



FM 2015/148+149+150

Justus Hansen

6. marts 2015

Siunnersuut uunga: Inatsisartut Suleriaasiata allanngortinnissaa

(Inatsisartut Siulittaasoqarfiat)

(Siullermeernera)

Siunnersuut uunga: Naalackersuinikkut sulinermit aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat nr. xx, uu. qqqq 2015-imeersoq.

(Partiinut nutaanut tunngaviusumik tapiissuteqartannginneq. Atuuffiit allat pillugit paasissutissiinngikkaanni qinigaanermut tapiissutisisinnaannginneq. Partiit sinnerlugit aningaasartuutinik ilanngaassisinnaaneq)

(Inatsisartut Siulittaasoqarfiat)

(Siullermeernera)

Uunga siunnersuut: Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. xx, uu. qqqq 2015-imeerspoq

(Inatsisartunut ilaasortat il.il. sulinngiffeqarallarsinnaanerannut il.il. malittarisassanik Inatsisartut aalajangersaanerat)

(Inatsisartut Siulittaasoqarfiat)

(Siullermeernera)

Demokraatini Inatsisartut suleriaasiannut allannguutissatut siunnersuutit, immikkoortoq 148-mi takuneqarsinnaasut, iluarisimaarpagut.

Immikkoortoq 149 eqqarsaatigalugu Demokraatini aamma allannguutissatut siunnersuutigineqartut isumaqatigaagut. Erseqqissaassutigerusupparpulli Demokraatit partiinut tapiissutinut malittarisassat allanngortinneqarnissaannut nammineq siunnersuuteqarnikuugatta. Siunnersuuterput taanna matumani ataatsimiinnermi immikkoortoq 44-tut oqaluuserineqassaaq, siunnersuuterput naapertorlugu pisortat tapiissutigisartagaat naapertuunnerusumik agguanneqartalissapput. Tamatuma saniatigut aamma Demokraatit siunnersuutaata kinguneranik partiit mikisut angisuullu naligiinnerullutik unammilleqatigiinnissaat qularnaarneqassaaq. Siunnersuutitta (immikkoortoq 44) immikkoortoq 149-p suliareqqinneqarneranut atatillugu ilanngunneqarnissaa qinnutigaarput.

Immikkoortoq 150 eqqarsaatigalugu Demokraatini innersuussutigissavarput, Inatsisartuni ilaasortaatarput Randi Vestergaard Evaldsen marlunnik siunnersuuteqarnikummat immikkoortutut normulinnik 41-mik aamma 42-mik, taakkulu immikkoortoq 150-mut



attuumassuteqarluinnarput. Siunnersuutini pineqarput Inatsisartuni ilaasortat aatsaat akissarsiaqalertassasut ulloq taanna Inatsisartunut ilaasortanngornerminniit (Ullormi qinersivimmi) kiisalu qinikkatut suliunnaarnerup kingorna akissarsianut malittarisassat assigiinngitsut allanngortinnissaat. Siunnersuutit taakku imaat immikkoortoq 150-p suliareqqinneqarneranut atatillugu ilanngunneqarnissaat qinnutigaarput.